



Jak vjernik je bolji i draži Allahu od slabog vjernika, a u obojici je dobro

Od Ebu Hurejre, radijallahu anhu, prenosi se da je Allahov Poslanik, sallallahu 'alejhi ve sellem, kazao: "Jak vjernik je bolji i draži Allahu od slabog vjernika, a u obojici je dobro.

Nastoj da radiš ono što će ti koristiti, i traži pomoć od Allaha i nemoj klonuti, a kada te neka nedaća pogodi nemoj reći: 'Da sam uradio tako, bilo bi tako i tako', nego reci: 'Allah je odredio i uradio je šta je htio.' Doista, 'da sam' otvara šejtanu mogućnost djelovanja."

[صحيح] [رواه مسلم]

Allahov Poslanik, sallallahu alejhi ve sellem, nam skreće pažnju da su svi vjernici dobri i korisni. Međutim, jak vjernik po pitanju vjerovanja, odlučnosti, imetka i drugih vidova snage bolji je i draži Uzvišenom od slabijeg vjernika. Poslanik, sallallahu alejhi ve sellem, nam potom pojašnjava da vjernik treba da radi i poduzima ono što mu koristi na oba svijeta, te da se uz to oslanja na Allaha i da traži pomoć od Njega. Poslije toga, zabranjuje nam se lijenost i slabost u činjenju onoga što nam koristi na oba svijeta. Kada vjernik uradi ono što je do njega i zatraži od Uzvišenog pomoć, ništa mu ne preostaje osim da se osloni na Njega. Neka zna da je Allahov izbor u svakom slučaju najbolji. A kada ga nedaća zadesi, neka ne kaže: "Da sam uradio tako, bilo bi tako i tako." "Doista, 'da sam' otvara šejtanu mogućnost djelovanja." "Da sam", u ovom slučaju predstavlja suprotstavljanje Allahovoj odredbi i žaljenje za onim što je prošlo. Naprotiv, potrebno je da kaže uz potpunu predanost i zadovoljstvo: "Allah je tako odredio i uradio je ono što je htio." Šta god da mu se desi, desit će mu se onako kako je Uzvišeni odredio. On čini šta hoće i niko Mu se ne može suprotstaviti u Njegovim odredbama i propisima.

<https://sunnah.global/hadeeth/bs/show/5493>

